

四庫全書

集部

欽定四庫全書

集部  
眉菴集卷一至三

詳校官庶吉士臣李傳熊

中書臣劉源溥覆勘

總校官知縣臣楊懋珩

校對官助教臣金學詩

謄錄監生臣觀音保

欽定四庫全書

集部六

眉庵集

別集類五

明

提要

臣等謹案眉庵集十二卷明楊基撰基字孟載其先嘉州人祖官吳中因家焉始為張士誠記室洪武初起為滎陽縣知縣歷官山西按察使尋以事奪官輸作卒於工所明史文苑傳附載高啟傳中史稱基少以鐵笛歌為

楊維禎所稱與高啟張羽徐賁號明初四傑其詩頗沿元季穠纖之習都穆南濠詩話摘其佳句十二聯其所品題得失叅半李東陽懷麓堂詩話謂孟載春草詩最傳然綠迷歌扇紅襯舞裙已不能脫元詩氣習至簾為看山盡捲西更過纖巧春來簾幙怕朝東直艷詞耳故徐泰詩談謂其天機雲錦自然美麗獨時出纖巧不及高啟之冲雅王世貞藝苑

卮言謂其情至之語風雅掃地朱彝尊靜志  
居詩話亦摘其詩語類詞者至數十聯而獨  
推重其五言古體然近體之佳者亦自清俊  
流逸雖不能方駕青邱要非餘子所及也集  
初為鄭綱板行成化中吳人張習重刻嘉州  
江朝宗為之序習為後志云乾隆四十五年  
九月恭校上

總纂官臣紀昀臣陸錫熊臣孫士毅

總校官臣陸費墀

眉菴集原序

予布衣時雅聞楊孟載先生盛名及入翰林為史官奉  
勅纂修大明一統誌攷先生先世予蜀嘉州人因大父  
仕江左而生吳中遂家焉又誦先生詩云我家岷山更  
西住正見岷山發源處於是乎益知先生雖生吳中實  
蜀人也先生生於元末仕於國初宏遠之器醇正之學  
初任滎陽令再謫鍾離閒居江寧句曲久之被薦陞江  
西省幕賓復使湖南廣右累官山西按察使誌載先生

讀書日記數千言尤工於詩與高啟徐賁張羽為詩友  
故時有高楊張徐之稱云先生所著眉菴集有五七言  
古體五七言律詩及歌行排律絕句詞曲總若干篇教  
授鄭鋼編集已板行矣字多訛謬先後失序而缺畧尤  
甚識者惜焉吳中張公企鵠以名進士累官廣東僉憲  
素重先生之詩每遇公暇輒研究之補其缺畧次其先  
後履歷之序字之訛謬者悉攷正之釐為十二卷繡梓  
以廣其傳其用心亦厚矣哉間以示予俾為之序夫詩



言志也三百篇之後復而為漢魏為六朝宋元以前惟  
唐為盛今先生之詩穠麗纖蔚藹然正大和平之音殆  
有唐人風味夫豈易得者哉僉憲公能俾先生之詩大  
顯於天下後世天下後世即其詩可以知其志知其志  
可以知其人然則先生不但有光於吳而且有光於蜀  
也予後生小子因僉憲公之命不敢以繆悠辭而僭序  
之其景仰之誠得不於是而少舒哉成化二十年夏六  
月既望賜進士奉直大夫廣東市舶提舉前翰林侍讀

學士經筵官兼太子講讀古渝江朝宗書

欽定四庫全書

眉菴集卷一

明 楊基 撰

五言古體

感懷

十四首

璞玉宜深藏白雪乃寡和  
和寡非所悲銜玉徒取禍  
奈何刖足者抱璞不知過  
進非烈士忠退耻愚夫  
懦傭春匪利直販鬻欲自沈  
山中一尺雪且復掩扉卧

其二

清霜凋百草亦令脆者堅士不遇患難智慮何由全玄  
德髀肉生重耳十九年一為三國雄一稱五伯賢苟不  
辨菽麥何足攬大權至今巴蜀人歎息後主禪

其三

鄧禹南陽來仗節歸光武孔明卧隆中不即事先主英  
雄各有見何必問出處孫曹與更始未可同日語向非  
昭烈賢三顧猶未許君子當識時守身如處女

其四

蝮蛇冬未蟄靡草寒更生  
陽光泄為電地雷忽有聲  
上天號令乖致此灾異并  
不然多殺傷兵氣之所成  
漢廷免三公母乃非政刑  
願言調玉燭仰見三階平

其五

三人乃成虎衆口能燦金  
流言雖不多足移君子心  
人心本無疑理與勢所侵  
奈何形似間構結已駸駸  
入耳即契合不待間者深  
陳平雖云智羽有隙可尋  
高祖誠

金史卷一百一十五  
卷一  
豁達卒亦誅淮陰營營青蠅詩示古猶示今

其六

位卑諫勿直直諫君心疑交淺言勿深深言友誼虧  
謬衆所惡况復違逆之豈不利於行吐藥而含飴朝登  
千仞崗振我身上衣丈夫貴自潔毋論他人非

其七

一女不得織三人歎無衣一夫不暇畊八口皆啼飢飢  
寒迫于身誰能不為非西伯善養老仁人為已歸霜寒

草木落禽鳥相背飛民心亦何求在于得所依此理勿  
暫失君子慎其微

其八

鵲巢知避歲終為鳩所居巧者勞不足拙者安有餘溪  
翁夜結網山人朝煮魚隆準入關中不讀半卷書當時  
微張韓乃與勝廣俱大拙乃至巧巧者復何如

其九

驂騑日千里亦在御者功向無造父能乃與凡馬同韓

彭豐駕材驅策遇沛公增本渥洼兒意不與項通豈獨  
知馬難所貴御馬工駕御苟失宜鮮不敗乃翁蕭蕭帳  
下騅千駟何足雄

其十

韓鷹飲六翮栖息如鷦鷯秋風颯然至聳目思凌霄英  
雄在承平白首為漁樵匪無搏擊能不與狐兔遭長星  
亘東南壯士拭寶刀落落大丈夫志悠悠兒女曹

其十一



善鬪須扼吭善戰須搏膺楚不都關中卒為漢所傾洛陽非用武况乃居彭城曹公失荊州致使吳蜀爭五馬渡江南神孫終莫平元帥破襄陽宋社忽已更制勝在得勢勿云險可輕

其十二

劍可敵一人書足記姓名學之十二年書劍兩不成歸來吳楚間豪傑已起兵攬鏡照鬚眉一二白髮生老母在高堂未敢即遠行太息長在夜鷄鳴星斗橫

其十三

浮雲從何來本是山川氣寸陰不終朝一雨浩無際江  
河會交流草木奮妍麗但知潤澤功不識真宰意天風  
吹玄陰白日照厚地理亂自有常千載可坐致

其十四

東隣夜從軍西隣曉上官一為死別愁一為知己歡歡  
者承新恩拂拭頭上冠愁者囑妻孥結束跨下鞍悲歡  
何不同一危復一安黃塵障東華平地生波瀾朝榮夕

賜死轉盼異暑寒寄語承恩人莫歎從軍難

漢傑士

楚范增附

淮陰天下士本是飢寒人朝為女子憐暮為惡少嗔身  
無兼人勇屈辱楚水濱一朝拜大將為漢伊呂臣王齊  
及王楚初假後即真男兒猶龍蛇窮達乃屈伸如何百  
世下獨有黔婁貧

其二

蕭何刀筆吏碌碌起沛中初無一矢勞胡乃第一功發

縱及指示帝論亦未公信亡追及之此為萬世雄漢卒  
賴信力亡楚定四封曹叅彼何人而欲與之同

其三

子房本韓臣志欲報韓仇亡秦與蹶楚初不為漢謀功  
成不貪賞而乃願封留富貴非初心竟從赤松遊寥寥  
千載下斯人誰與儔

其四

范增亦人傑不去羽不亡漢非赤帝靈增固不可當紛

紛與楚爭可畏惟漢王危哉鴻門會拔劍舞項莊示玦  
羽不決致令漢道昌成敗非失策天命固有常

其五

禮樂治化本百年然後興奈何叔孫通綿蕞為可行布  
衣起山東五載帝業成瘡痍有未起詎可謂治平當時  
定朝儀事正擊柱爭遂令後賢王禮樂終不明漢道止  
于斯俗儒良可輕

其六

陳平素無行終為漢相國陰謀固可鄙奇計凡六出後  
來諸呂難卒賴陸賈力豈緣富且貴臨事意反詘智者  
猶若斯請為愚者說

秋懷

二首

曉城露氣白旭日猶蒼莽千林木葉墜迥覺川原廣村  
虛雞唱獨江靜鷗飛兩瞻眺豈不佳遲暮良可愴菱歌  
發清詞助以蒹葭響斯意竟誰同忘悲却怡賞

其二

日沒霧霑暝微茫見羣山茅屋四五家時有芻牧還豈  
惟寵辱忘亦喜思慮閒嗟嗟當世事戚戚念時艱

秋夜言懷

四首

鮮鮮籬邊菊悵悵庭下蕙蕙氣日已銷黃花自妍麗復  
恐清商激幽芳亦凋瘵寒衣步廣除露白月在地鵲飛  
林影空蟲語墻陰細昔賢悲絲染徃聖嘆川逝少壯不  
我留臨風發長喟雅志諒難酬蹉跎老將至

其二

西齋近寒徑枯葦接深篠秋風颯然至索索鳴不了拋  
書坐孤榻眼澁燈暈繞窻破斜隙明漏斷餘更悄平生  
所欣遇此夕紛內擾假寐入冥思南枝有歸鳥

其三

夜坐復不樂起行亦無悰徘徊二者間百憂結心胸歲  
事忽已遷復共喪亂逢一身愧無補况乃祿萬鍾月林  
鵲翻翻風江雁嗁嗁栖止苟有託遲莫還相從

其四



高梧蔭崇岡衰草被廣陌風微夕露涼星淡秋河白芳  
辰兼物謝孤抱緣愁積佳人在何許悵望江浦隔昨會  
月初弦徘徊又生魄

送謝雪坡防禦出郭團練

朝催築城夫暮點團結兵兵民皆動搖一日十數驚所  
賴官長賢撫勞得衆情防禦出郊來父老拜且迎垂髫  
及戴白羅列車下聽官家百萬師自足與寇爭汝自守  
汝鄉汝自保汝生閒暇苟不虞倉卒恐見傾我當徼汝

勞薄爾賦稅征父老共感激闐然動歡聲旌旗泊甲矛  
五色相鮮明豈惟備抄掠大敵固可嬰問君何能然子  
弟衛父兄平川雨初收馬嘶鼓鑿鑿相送不同徃極目  
秋鷹橫

送將作僉院丁季周奉使兩廣還朝

國家厄中運四海揚風塵蚩蚩弄兇兵皆我耕桑民或  
為官府迫漁獵無富貧奮然掉臂起一呼聚頑嚚始有  
可招徠久之竟沉淪勢結不易解遂同越與秦皇明邈

九重此恨弗得伸，雖居蠻夷中，豈不念帝宸？丁侯京師來，遠使廣海濱。舟師送蛟鼉，陸足披荆榛。所至敷恩威，一一為具陳。上述天子聖，下言將相賢。叶款款漸輸誠，仄仄咸來賓。直氣既侃侃，婉辭復諄諄。邊氓及夷戎，感激爭自新。酋長獻印璽，老弱投棘薪。幡然悉改圖，喜極涕沾巾。安知萬里外，復得仰化醇。旌槎駕回風，星斗羅高旻。西風吹征衣，相見吳城闔。呼酒慰遠別，烹鱸煮青尊。念茲歸意切，又問銀河津。嵯峨蓬萊宮，雲霧鬱輪囷。

至尊開天顏前席顧問頻賜以錦繡段翠織雙麒麟追  
趨鶴禁曉錫宴龍樓春賞功固盛典况復能咨詢丈夫  
志四方策勲貴及辰嗟我獨匏繫戚戚罹蹇屯壯心殊  
未已矯首潛酸辛

送陳資深歸廣

大夫輕別離投老欲入廣奈何干戈際萬里涉沆漭茲  
城頗阜庶有女供奉養世亂得粗安胡勞問鄉黨君言  
苦無家一夕魂九徃鄉書昨日至捧讀屢泚頰四喪寄

淺土未得掩諸壙雖云敝廬在誰復脩祀享感茲歸意  
迫無力猶勉強齒髮固已衰尚足嬰擾攘敢忘鄉土情  
偷安戀茲壤吾聞重感激惜別復加賞天寒霜露繁  
撼枯葉響水宿慎蛟螭山行避魍魎田園雖荒蕪果實  
羅栗橡鄰居喜均還相邀具醅盜酒薄不得醉且復歌  
慨慷人生還鄉樂無物堪比仿喜極繼以悲歡戚同反  
掌番思蘇臺月照女夜績紡此時父子情兩地同惆恍  
安得混車馬妻孥共羅幌茲事竟難期淚眼一悽愴我

家嘉陵江踪跡久飄蕩亦欲問前途逡巡覓西瀼

贈跛奚

楊鉄笛奴也

人笑跛奚蹙我愛跛奚跛雖百跂速夔亦一足可履  
平疑屐齧厯險若箕踞立如鷺聯拳行類鰲氾氾形歌  
裙長前肩脅鞢短左非斲涉寒脰豈刖獻玉蹠附婁濟  
水厄哂却構兵禍疾同哀駘佗怒及趙女嫫觸屏屢思  
倚守戶每得坐戒奚勿躁步世路方坎壈

登靈岩和韻周左丞伯溫饒大叅介之

單艫集羣英席窄坐每盞烟橫半掩寺木落全見塔斜  
流出渠分曲徑轉溪合村妝妍醜並野話悲笑雜童操  
吳音聞僧作梵偈答霜苔滑難躋露棘朽易拉磴紆螳  
緣樹扉敞蝸啓闔娛賓列五豆禮佛過三匝晴崖暝憂  
雨秋洞寒凝臘窻攀盜果獮簷入避鷓鴣掬池萍沾袖  
憩石蘚污衲琴忘荒臺弄屨響回廊踏值險慮思筇得  
奇即傾榼感深怒須礫愁極衰鬢颯華年倏川駛雅量  
浩海納嘯歌激欬歔雄辯肆交沓禪寂虛無量道祖清

靜益口蠶蝸觸蠻變幻雀化蛤狂遊類飲酎薄宦避嚼  
蠟終當謝塵鞅掃屋分坐榻

贈別龔行義

楚龔風雲姿璞素玉不玷隻身躡雙屐十載食破研麻  
衣閱冬春睥睨狐貉賤胸中何所蓄經史子集傳酒酣  
文思湧強弩機發箭清真謝鉛飾越女巧笑倩紆盤珠  
九曲精粹金百鍊粲如星森羅勇若軍後殿吾黨多英  
雄氣索皮肉顫西風忽歸來塵土吹滿面從容問所歷



搔首不復辨但云秋水清吳淞淨如練方同華表鶴遽  
作幕上燕去住何太輕弗得絆以線君材匪樗櫟名字  
已交薦淵泉暫蟻屈霧雨終豹變賢達坎坷多豪傑窮  
乏先嗟予書中蠹髀消兩目眩朝騎瘦馬出夕飽藜與  
覓志慚黥爾狂質匪由也諺猥遭周秦厄不識舜禹禪  
因君動遐想翅塌足若冒螺卮白菟瞿耶為江渚餞回  
首芙蓉花紛紛落紅片

贈張主簿

有田乃有租有身乃有庸不憂徵需煩但願賦役公東  
家倉廩寔西鄰機杼空門戶非不齊貧富有不同縣官  
皆賢豪豈不念困窮但為嫌疑迫上下相蔽蒙坐看頽  
白民展轉溝壑中嗟嗟華亭簿彷彿古人風

與陳時敏別

近別會有期遠別易慘悽一人失意行衆賓顏色低相  
顧各無語握手立大堤白沙飛輕烟赤草漫路蹊竈戶  
八九家皮肉瘦且鰥再拜謁官長鵠立無所齎孤廳如

荒郵壁落新補泥日沒官吏散角角野雉啼歸來對寒  
燈兒女相孩提雖云去鄉國喜不聞鼓鼙官卑職易稱  
牛刀用割鷄回首華亭鶴月白露淒淒

送王國忠之邵武推官

新霜落江楓蘋葉爛如染感秋方惻惻送別復冉冉一  
官萬里外舟楫破天險人皆亂離戚君獨笑而慙虹光  
拂孤劍酒色暈雙臉平生崢嶸志弗以微物掩經綸二  
三策謇諤謝諛諂天子固未遑屢讀首屢點七閩暖無

雪臘月草木蘄花濃霧迷驛榕暗日在崦斯時到官舍  
鞫案手自檢雖無老母笑反獲在不忝顧予坐書癖譬  
若秋後簾低回鶴俛啄嚙噉魚上噲未能東浮越况方  
西渡陝文慙英俊逼鬢覺衰颯漸交遊暫雲合乖散條  
電閃憮然成短歌持贈非琬琰

雨中効韋體寄季迪止仲道衍仲溫四首

屢覲歡未終乍違離緒繞冥冥鄉國陰獨坐空齋曉  
啼春樹密花落流鶯少不有郢中吟何由寫懷抱

其二

久靜厭紛俗，齋居自玄處。  
遙知久默暇，共此蕭蕭雨。  
屢驚芳節換，暫覺清音阻。  
欲扣竹間扉，棋聲隔春渚。

其三

叢林翳重岡，迢遞僧居獨。  
憑軒一悵望，春雨靡無綠。  
泉香花落澗，窻暝松圍屋。  
憶爾諷經餘，袈裟坐深竹。

其四

別君俄兼旬，芳景已云暮。  
南風吹新綠，欲暗庭前樹。  
騶

鳴孤驛曉鴉散春城曙盼此慰離憂新知忽成故

西齋聞晚鶯

南風池館靜深樹野鶯啼初鳴喜新聽再轉復含悽念  
爾來城市山林定鼓鼙

初夏過寧真道院

偶來高樹下獨坐青苔石澗雨落餘霏衣裳淡生碧道  
因微物悟理尚玄言析習靜自無營何妨處囂寂

賦得淨瓶送衍上人

虛瓶湛靈泉行住一鉢友紅簪天女花碧挿大士柳中  
圓涵真虛外潔照萬有自盛甘露漿不貯聲聞酒衍師  
時出定提挈每在手詞鋒當建瓴禪寂宜守口

賦得山逐放舟遲送王主簿

舟行山亦移山盡舟亦住青山無故人行人自來去初  
辭逶迤谷復接參差樹杪轉暮色分帆駛秋嵐度俄停  
風暫弱既遠烟重護別意即山情依君屢回顧

賦舍利塔送僧人

八萬四千塔巋然天地中靈光忽上下浩劫未終窮法  
象諸天護真身五蘊空堅明元不壞生滅豈無同暫住  
猶飛錫三匝禮秋風

空齋天王寺比丘號也托友求詩為說偈曰

上人坐空齋差我兜率宮兜率乃佛土亦在虛無中兜  
率既無有空齋何所從豈獨空齋無四大亦本空萬有  
萬法幻如泡影電風隨起即隨滅無聲色與踪以無起  
滅故即之了不逢真空本非空去住空色同試舉空齋



倡為扣西來翁

遊北寺竹林

僧居古城陰迢遞通萬竹林  
光落虛牖坐愛衣裳綠齊  
餘孤磬遠茶罷微烟續道人  
悟重玄淡然無衆欲譬彼  
石根泉亭亭湛寒淥

久雨

十日雨不止四簷如決堤  
今朝雨聲絕又聽斑鳩啼  
開門對西郊汨沒失路蹊  
往來舟車人拍浮類鳬鷺  
我貧

乏車馬徒步兩屐泥歸來冠裳濕焙燎勞山妻側聞關  
中旱終年望雲霓燥土及萬里曾不留涪蹄上天本無  
私造化自不齊侏儒與方朔斯言非滑稽

雨中期袁宰不至

晨興罷中櫺撫卷對秋渚幽人期不至值此瀟瀟雨豈  
緣俗情牽致此清興阻呼童掃庭蕪落葉深幾許更採  
石田芝空齋待君煮

寓感

人心渺烟海浩浩不可量正茲春風和忽然變秋霜悽悽不見矜惕惕反中傷始終非感激愛惡自靡常豈悅芙蓉鮮厭此蕙葉蒼請看塵中鏡拂拭耿輝光

贈馮瘍醫為金德儒謝

氣血在人身譬如江與河擁之不得行崩騰作風波古來養生術運動及按摩較之䟽淪功相去苦不多金君坐文墨錙銖細研磨氣鬱神不舒顧瘍忽為疴初疑疹發面頃刻如堆螺金刀試神巧一抉回天和神契二豎

緩巧師五禽佗乃知藝學流無不由專科去毒類去惡  
芟夷絕根窠滋蔓不可圖未必非蹉跎余非知醫者此  
理信靡它作詩代瑤玖語陋將如何

東臯為馬仲蔚賦

初夏藹衆綠霏霏繞園霧橫書散輕策愜我林臯趣衣  
涼水氣襲屐潤苔痕汗雨菌結芝肪烟蒹綠鶴步意銷  
念慮寧景適真樂遇衆妙入靜觀前非覺神悟江花自  
孤婉芳草忽已暮為鼓朱絃琴南風在庭樹

觀魚

池陰樹影涼白小紛成隊吹絮圓漚續觸荷清露碎俄  
沉静却浮忽遇驚還退幸免釣絲憂江鱸且克鱸

賦得萍贈陳久中

浮蹤散寒星一夕生無數魚跳翠乍開鷗過青還聚微  
風和影去急雨連根露惆悵別君時楊花滿衣絮

李迪病目醫令止酒因作此勸之

病目須飲酒飲酒調微疴氣血鬱不舒賴此酒力和所

以雷公方製藥用酒多活血必酒洗散鬱須酒磨製藥  
既用酒飲酒良匪他酒可引經絡酒能驅病魔病目不  
飲酒此蓋醫者譌李白好痛飲不聞目有座子夏與丘  
明不為飲酒過飲酒既無害不飲如俗何清晨呼東家  
買置數斗醪爛醉瞑目坐滿目春風酡陶然物我忘夢  
見孔與軻此藥豈不佳而乃止酒那我今勸君飲君意  
無嫌舛庸醫或見責請示眉菴歌

夢親堂

邯鄲枕中夢要是夢所有余嘗詠斯言嗟嘆為良久漁  
夫及畋師所夢必筌筍颯然精誠接昭格固不偶聶君  
乃純孝寤寐夢父母思之不暫置猶種蒔得藕啗彼聲  
利徒孜孜在升斗

壽萱堂

朝省忘憂花暮省忘憂草母憂日已忘母壽日已老見  
心與母心願得同壽考回首堂下萱秋風幾枯槁

上已遊虎丘值雨寓平遠齋

層軒構崇立綠樹帶吳苑鳩鳴春竹靜鶴下烟汀遠初  
登已神暢稍久竟忘返松高急雨過草弱微風偃幽潭  
閱靈跡氣濕龍蜿蜿俯深戒臨危歷險知步蹇歸途極  
遐矚蒼茫失西巘

贈毛生

丈夫遇知己勝如得美官栖栖無聊中握手意便懽古  
來豪傑人所就非一端狂言與危行初若不可干從容  
兩陣間一語九廟安狐貉不外飾而足禦大寒嗟嗟隴



西李願識荊州韓

殘燈

輝輝復熒熒露冷無良燄  
帷昏驚暈起隙破愁風颭  
幽人對餘光拂拭床頭劍

附李迪和

凝光結重暈逼曙零孤朶  
膏空逐漏水焰在同爐  
火戀影未能眠更就餘明坐

晚節亭

壽藏名也



人生百年壽六十未為晚胡為鑿玄扃築亭在山阪周  
圍松櫟高可翫不可挽日暮春雨晴黃鳥啼睨睨東家  
鶴髮翁方置萬金產貽謀非不佳竟為達者堯王君超  
物理生死若往返一笑步松陰青山在吾眼

梁溪暮歸

蕩舟入微茫晚烟羃羣山日落村墟遙惟見芻牧還鵝  
度風陣低牛鳴月痕彎五噫遺清歌聽之厚人顏

山中言

入山採薇巖山路多荆杞褰裳避朝露欲往行復止豈  
不有饑餓一飯不為耻長歌古松下悲風為之起

憂樂

二首

我有九十母白髮雙瞳青夜禮瀟落斗朝誦彌陀經以  
茲精進力老而愈康寧百年何足云坐享三千齡

其二

嘗聞古人言五十不為夭嗟予已四旬齒髮固不少有  
子萬事足此事猶未了一笑付蒼天禍福詎可曉

贈真性空

上人真如心悟徹物我間廿年住名山已復到彼岸六  
觀會萬有一覺破諸幻架柴坐綠蘚鳥悅林影散琴清  
風在竹偈古石當澗贈以青蓮花搖搖落秋瓣

蘭室為醫士徐孟善賦

種德有餘慶種蘭有餘香爾來三十年德與蘭俱昌春  
風葉猗猗秋露花的的人言徐翁蘭愛比蘓仙橘翁今  
已仙去蘭猶繞階庭瓊芝與玉樹相映蘭青青我雖不

識翁而獲交二子芳名播清芬正與蘭相似人好蘭亦  
好愛之久不衰彈君白雪操詠我幽蘭詩

聽松軒

鳥栖衆喧寂月出萬壑靜秋聲松外來歷歷生我聽繁  
音雜宮徵空響調竽磬風細覺潛消山虛故相應幽人  
掩書坐瞑目兩耳定聲聽忽兩忘道然發孤咏

秀野軒

結茆近東臯清曠接平行新春微雨過芳草綠如剪携

書坐深竹自讀自舒捲興來策杖藜初不賴輿輦西隣  
雞豚社落日牛羊圈至貴在無求何勞事冠冕

僧寺感秋

一榻卧僧室歸夢夕九至燈昏燼垂華香斷灰成字斜  
光破窻月急響虛簷吹遙想宦游人應憐此中意

守愚齋

百智動不足一愚賢自守神交武子甯氣合刺史柳聰  
明與庸智方寸無不有歛之弗著形譬若物在節慮千

每得一問十且對九衆辨默乃消羣竊靜而受晨齋掩  
書坐草色連戶牖作詩代盤銘庶或置座右

除夕寫懷

晚凍雲正密晚晴雪亦消  
若松既露頂澗竹咸舒腰  
感茲年光徂又復見歲朝  
漸與少壯辭老景去不遙  
人生百年間倏如狂風飄  
況我患難餘髮黃皮肉焦  
萬事若死灰那能復然燒  
差差青楊枝下蔭朱蘭  
橋明當長翠縷繫我春江  
橈

吳宮遺跡八詠

長洲春

穀波流暖雲花光艷綠蕒津頭洗紅女蝴蝶上羅裙羅  
裙秋水明璫搖白槳飛下雙鴛鴦溘溘湖水響

橫塘晚

川氣夕氤氲愁雲凝晚綠蘭舟蕩秋水東向橫塘宿橫  
塘花正開紅桃間竹栽誰家織白苧機聲度水來

梧宮夜



桐堦白露下濕螢光炯炯銅盤燒蠟黃秋余夢魂冷粉  
泪鉛華滴雲鬢秋蟬整何處玉鑾聲芙蓉嘆孤影

楓陵秋

楓樹落清曉野烟結愁陰聲傳燒竹火人語滄波深鳬  
飛秋水黑蛩吟涼露白江月參差光芙蓉照芳魄

越來溪

遠岫如蛾眉紫菱蓋綠漪小娃木蘭槳採菱溪上歸溪  
風搖白芷撩亂蘋花起疑是越兵來旌旗照秋水

滄浪波

入苑綠泱泱，穀紋融暖光。  
東風吹白浪，照見赤龍堂。  
龍堂負貝闕，陰火春波熱。  
鮫人賣髯綃，夜夜唱明月。

綺川遊

川水東北流，川花照青樓。  
龍船載鳳吹，日來川上遊。  
沙明屬玉止，苔香翡翠留。  
漁郎蒲葉底，網得雙吳鉤。

茂苑思

輦路秋蓬滿，野香團綠濕。  
嬪娥粉黛愁，媽花鈿露泣。  
鶯

聲舊時好玉砌秋歸早東家胡蝶飛烟姿滿芳草

白門答高二聘君

以上元末在吳作

戊申秋余謫大梁季迪嘗夢余與若平生明日道路  
傳余已死季迪有夢余詩已酉春正月余侍親東歸  
迪亦應召來京師相對驚喜因出所賦夢余之作余  
既感季迪之念而復疑猶夢也歌以答之

結交貴知己不在早與遲嗟我識子晚深淺惟子知每  
於朋儕間擊節賞我辭前年吳城破子居我西馳交游

非不多獨念與子離相去日已遠數與禍患罹道路傳  
我死可信子尚疑日暮過我廬為我涕交頤今年我還  
京適子應召來叶握手發長嘆示我夢我詩我昔患難  
中精爽無不之而子獨夢我與子若可期方子夢我初  
正我念子時春風鳥嚶嚶花發滿故枝為買一斗酒痛  
飲春江湄生死固常理勿為達士嗤

自題宜秋軒

予去官結小軒自適軒近秦淮松菊竹樹之外無他

花卉且清曠幽寂與秋相宜因號宜秋賦以詩

我軒南山下綠水圍繞之四時非不佳獨與秋最宜秋  
風入我軒便覺景物奇紅樹照西崦黃花滿東籬夜深  
明月來蕩漾軒東池池光與月色上下相逶迤我時坐  
軒中濁酒聊自持微飲不及醉陶然詠陶詩人言秋可  
傷我覺秋可怡至潔如屈平至清如伯夷愛彼潔與清  
竟忘搖落悲斯意獨領會但恐秋風知

贈錢祐之

祐之過余宜秋軒携武肅王家譜見示感慨古昔賦  
此為贈

村居無來轍漸與人事屏軒窻頗宜秋爽氣接西嶺錢  
君曉過我楚然破幽靜踉蹌田中來衣屨草露冷臨風  
岸烏巾上有雙蚱蜢示我族譜文厯厯星斗炳前王勲  
業在千載猶一頃諸孫尚醞藉整若弓在檄嗟我昧淺  
深所得如捕影潭潭百尺甃汲以尋文綆况茲坐窮僻  
習懶不自省君來實起余如夢覺酒醒蟪蛄宵虛戶絡

緯啼廢井何當照寒燈共此秋夜永

淮陰祠

朝登歌風臺暮入淮陰祠祠荒屋瓦落古木聲差差當  
時握漢兵劉項相交持舉足有輕重不負高帝知區區  
假王封如何遽見疑良平一躡足帝心即轉移全齊七  
十城實為陷弇機後來雲夢遊此禍乃致之盧綰且稱  
王耻與絳灌隨居常獨怏怏握手逢陳豨事起倉卒間  
不意成誅夷呂后固不仁鄼侯亦忍為先王重報功無

乃此道虧至今淮水南落日啼鳥悲津頭問漂母一飯  
竟哀誰

送叅政錢誠夫之淮安

潮落大江渾鳥啼曙色分公侯千萬騎送別隘人門威  
儀督府嚴禮秩節度尊兩淮甲冑士十年弓箭痕南陽  
與豐沛自古重承恩

寄內婉素

天寒思故木家貧思良妻所以孟德耀舉案與眉齊憶



汝事我初高樓映深閨珠鈿照羅綺簪珮搖玉犀梳掠  
不待曉妝成聽鳴雞中吳惜喪亂甘口各東西有母不  
得將獨汝與提攜我復竄遠方送我當路啼紛紛道上  
人無不為慘悽今年我還家赤手無所賫汝亦遇多難  
典賣釐珥筭朝炊粥一盂暮食鹽與薑堂有九十姑時  
復脩豚蹄膏沐弗暇澤髮落瘦且顰別來復秋深露下  
百草淒破碎要補綴甘旨需醬醢安貧兼養老此事汝素  
稽作詩遠相寄新月當窻低

客館秋思

閒齋悶秋陰弱蕙風屢偃蕭蕭微涼至坐怯疎簾捲哀  
蟬聽漸急歸雁嗟已晚忽動故園思山川匪遙遠

夢綵堂為俞士評賦

楚客身未歸悠悠念度闌江濤雖云廣莫阻魂夜飛秋  
陰天無星猿叫楓樹稀家門倏已到不失舊路微宛然  
上高堂獻笑試舞衣馬知空明曙鐘動殘星輝難追夢  
中歡益發覺後歛安能附羽翼遠去仍相依

贈許山人

三首

七十世所稀過此尤足喜山人腰脚健一日行百里身  
安子能養飲食具甘旨擾擾天壤間如翁能有幾

其二

讀書不須多達理斯為貴讀書未達理不讀亦何異山  
人識字少時復見一二乃知學道人心靜自可至

其三

我笑山中人猶未達此理患害每過慮聞利輒先喜利

害何足驚死生亦命耳但使心不欺造物聽所止

送許山人歸長干別業

三首

我從長干來君向長干去春鴻與秋燕相逢不相聚當時三閣上綠鬢花如霧辱井不可尋纍纍種瓜芋

其二

君家烏衣巷正對朱雀橋烏衣去已久斜陽樹蕭蕭紅薑嫩生芽紫芋肥長苗斯時一樽酒時赴東隣招

其三

朝耕硯一區暮耕筆一尺疏食且不飽而況有園積山  
人萬本韭富與列侯敵治生不在多勤儉自有益

舟中有感

水性日就下大江日東馳不知舟行遠但覺青山移我  
方念儔侶手反坐挂頤天風吹衣裳明月來相隨乘流  
非不住逝者乃如斯滔滔適意中忽然令人悲壯歲難  
再得修名安可期

出臺獄復還洪都

福至本無象禍來非有因方憂觸羅網遽喜辭妖塵念  
此蓬萊姿忽構蹇與屯倉黃園扉中日夕與死隣皇明  
眷私照寒谷回陽春既免在滌牲復縱克庖鱗重沐飭  
冠裳濟濟立要津道路與我慶況我骨肉親歸來向妻  
孥秉燭語及晨猶疑是夢寐歡樂恐未真嗟余抑何艱  
坎壈多苦辛弱無勝力錐而欲舉萬鈞羸牛服鹽車遙  
遙西入秦進逢九坂危退迫尺箠嗔敢惜筋力疲所慮  
車摧輪哀鳴徒嗷嗷仰訴空諄諄聽者無不憐誰復為

解纜終當脫羈鞅  
滄波浩難馴

曉發石頭口

石頭何欄端  
左顧踞赤虎  
自非神力鑿  
那得此江濤  
玄精畜陰霧  
秘迹曠萬古  
耽視洪都城  
百雉列飛堵  
我船候明發  
值此春夜雨  
方欣土膏潤  
可以藝稷黍  
年豐米穀賤  
何憂在羈旅  
掀蓬望烟柳  
春水綠可醕  
終許着漁蓑  
撈蝦富春渚

送陳管勾之鄱陽

朝與異人辭暮送晉人別滔滔楚江水朝暮流不竭我  
來贊兩省僚友皆俊傑怪君氣如虹欲立萬仞節青蓮  
出泥滓不浣天性潔相期保貞固百鍊終不折

賦南昌亭送丁子讓之淮安

士不過知己鬱鬱徒自憐亭長小丈夫不如漂母賢一  
飯尚足惜萬金那忍捐季亦泗上人勲業四百年南昌  
雖云小豈無士八千當時得英雄劉項可比肩奈何自  
棄之各彼粥與饘重瞳且沐猴此輩何足愆均行淮陰



道亭草綠芊芊為我奉卮酒三酌東風前

送滙東宋處士

驂駟駕玉輅志不忘春草譬如藜藿人但識桑麻好十年  
遘憂患退縮苦不早回念春江魚洋洋在芹藻聰明身之累  
擁腫身所保歸去匡山中雲松可娛老

送方以亨還吳興

以亨來洪都省兄以常予因與之游者累月既而將還吳興  
其兄錄所贈詩見示余喜而作三章以餞之

草有不可偃木有不可彫人心非秋蓬安得隨風飄憐  
君玉雪姿明月當清霄歲蕤紫荊花輝映非一朝嗫嗫  
寒江鴈去去誰能招

其二

遠別腸欲斷近別泪滿纓交游無不然而況弟與兄荒  
塗霜露繁哀角響故城去傷骨肉思住感鄉里情還家  
及東作翳翳桑麻成

其三

賢女失之陋壯士失之貧相逢無所遺慷慨不得伸臨  
岐歌短章所道皆苦辛淮陰未去楚江攄復仕陳聊沽  
客中酒用酌還鄉人

送方員外之廬陵

十年在羈旅未嘗憂別離如何與君辭愴如失羣麋君  
才非我儔語默皆可師溫溫霜天裘細細當暑絺不勞  
綺繡文自然適時宜嗟我百無補不異面有眉既乏視  
聽功寧免耳目嗤君行值重午高花發榴葵荆人擊鼉

鼓舟楫挾兩旗當時懷沙心後世為水嬉作歌贈君別  
秋風以為期

省中樹

掖垣東南有大樹陰可一二畝枝葉蓊茂望之蔚然  
豫章自兵興來巨材剪伐殆盡而茲木獨歸然城郭  
中其壽可喜也暇日步其下賦此

嘉木不常有大材世所稀紛紛拱把中得此翠十圍盤  
柯結層陰枝葉大且肥下蔭數畝庭芳映百堵靡六月

不知暑蒼烟盡霏霏豈為枕簟適實為烏鳥依豫章富  
材木剪伐事已非此豈不材者獲與斤斧違褰裳步南  
風空翠沾我衣徘徊望黃鸝歲久將來歸

午窻坐睡甚適覺而有賦

省中

昨夜風可畏今朝風可憐南風散煩暑稱此高齋眠夢  
中聞松聲響如百丈泉不知何身世笙匏奏鈞天浮游  
清虛中有類脫殼蟬既信圖南樂更覺莊周賢生死俱  
兩忘況有俗慮牽何當蔭高樹一卧三千年

白髮

員外方君長余一歲余髮斑白而方君則髭白一二  
因相顧笑嘆吾二人之早衰也且聞王政恤二毛則  
白髮固所當敬吾人其何悲為述以詩

白髮無貴賤愁人先得之嗟我愁苦多四十髮有絲我  
愁定累髮愁豈髮所為白髮勿笑我可喜不可悲紛紛  
霄壤間幾人得如斯

歲暮書事

薄雲靄微陰江遠日易墜蒼然望平楚正與西山對冥  
冥孤鴻矯接接昏鴉退感茲歲年暮矧爾時俗背賴有  
谷中蘭參差可為佩

雨後過上藍寺東方員外及泉上人

梵宮鬱嵒堯碧殿抱綠水入門廊廡壞屋漏濕窻紙幽  
靜得丈室苔竹深且美孤華獨清艷衆綠陰蕤蕤隔窻  
新雨足石溜響宮微青山如筆格重疊在書几老僧知  
客至合掌來作禮已無千佛念為發一笑喜嗟余服轅

駒局促垂兩耳逢師類脫鞅空濶向萬里聖覺雖異教  
迷悟乃一理歸途有餘清作詩示知已

對江望山

二首

朝山翳其麓暮山翳其巔變態孰使之白雲與蒼烟我  
久不見山見山喜欲顛以我窺青山料應山亦然喜極  
復自笑我何愚且偏青山本無情于人何所憐因茲勿  
復道且聽薰風眠

其二



大山如龍蟠小山如虎伏以茲龍虎氣不雨山自綠虹  
長飲其左雲長遶其腹山靈既神異過者敢不肅我生  
敬青山如對父與叔旦起髮未冠垂簾聽松瀑

晞髮

在南浦驛

道人晞髮坐綠樹啼幽鳥江濶風雨晴雲多青山少無  
聞衆幻滅不昧羣迷曉猶有問津人孤帆望中小

發南浦

開船別西山迤邐向南浦帆輕去自速初不用篙櫓蒼

蒼烟中樹橐橐響斤斧一女沙上汲衆漁洲畔語我行

歲云晏况復遠儔侶回首北歸鴻翩翩下寒渚

過黃牛洲望西山

自我來西江未嘗看西山西山一何秀遙映蒼波間天寒  
衆木淨日落孤雲間當時珠簾雨高捲不可攀至今烟

霽中彷彿帝子還

夜過市汊驛

豐城北時酒醒月  
出有懷幕中諸友

驛樓枕迴洲湍汊聲活活霜蘆花猶泛烟柳葉漸脫月

出鳬鴈鳴孤艣寒江濶酒緣風力退詩苦真景奪何處  
寄相思浮雲楚天末

汊口與洪鎮撫夜話

我船行何遲君船下來急烏啼月初上鷗靜露已濕褰  
衣步危沙細語成久立回瀾激空穴風響相噓吸君才  
誠國士富貴可俯拾臨流莫省劔恐駭寒江蟄

霧中望新淦縣

隔窻聞雞聲咫尺望新淦寒江白霧起驛樹連城暗瀾

金八ノ二  
卷一  
瀟浦淑濶晃晃日色淡亦有渡江人津頭解孤纜

泊五老峰下

初見廬山青再見廬山白山形各異狀轉盼即改色方  
陰迷積翠忽霽眩金碧蒼烟與雲霧來往遮蒙翳時時  
山中禽不自辨巢室我行三往返真態還未識山水猶  
若斯世事那可必

自湖西發舟望瀑布

泊舟廬山下北風吹不休山靈知我來故以風相留牽

衣涉危沙曠然得平疇柳色綠尚淺芳草青以柔仰觀  
瀑布泉復作河漢流爐熏既冉冉鹿鳴亦呦呦乃因淹  
留中終得此日遊向非風濤力那能極冥搜作詩寓所  
感萬事無先謀

聞廬山雷鳴

雷霆有定位發聲胡不然茲山無冬春雷長鳴其巔崑  
虫不閉蟄蛟龍亦蜿蜒致令山中人厭聽禮不虔我行  
值孟春豐隆發深淵衣冠凜危坐對越上帝前天變自

當敬心中非有愆

望蘄州

未見蘄州城已見蘄州山諸山初不高蒼石礪且頑想  
當至正時民物庶以殷大江楚西來萬里不閉關茲山  
獨儲英羣雄出其間遂為禍亂堦滋蔓莫可刪憶我聞  
亂初我方總兩鬢侍立父祖旁聽說國步艱焉知三十  
年見此草與管骨肉亦已零安得髮不斑披榛欲弔古  
豺虎愴我顏蒼茫望茆宇日落孤舟還

過小孤

大孤俯如盤小孤儼而立羣山如從吏左右相拱揖孤  
根屹撐拄萬竅爭噴噏瀏瀏陰風旋慘慘元氣濕江流  
亘其下震怒莫敢汲狀為盤渦深馳作奔馬急躋攀或  
失手一駛不可及我來值秋晚木落衆鳥集勿爨夜船  
犀鯨人抱珠泣

贈漢陰老父

窮達信有命丈夫乃長貧堂堂七尺軀而憂多苦辛早

隨丁都護馳逐車馬塵歸來不得意灌園漢江濱但恐  
女子知不畏醉尉嗔終當返故里共煮秋風蓴

過長沙弔賈太傅

才高衆所妬年少衆所輕奈何文帝賢而乃謫賈生災  
劉握乾運寬大易暴羸涵濡三十年孰不為政成生言  
胡不詳慟哭淚滿纓外防夷狄奸內謹七國爭禮樂與  
風化無一不可行帝心既未遑廷論乃拂膺長沙卑濕  
地落日鵬鳥鳴臨湘歌短篇哀痛弔屈平雖承宣室問



前席何足榮我來欲再拜祠宇久已傾荒苔剥斷碣滿  
目皆枳荆汨汨祠下水猶聞太息聲

望岳麓

我為長沙客不醉長沙酒為愛岳麓山繫舟城邊柳峰  
巒一何秀膏沐春雨後蛾綠淨洗妝方知朱鉛醜所嗟  
山中寺頽圯想已久嶙峋北海碑千載獨不朽信為神  
靈惜長使山鬼守褰衣欲訪古日落辰在酉荒烟鳥雀  
喧竹密虎兕吼老眼念後期未知重來否

望南岳

我從匡廬來但覺諸山低嵯峨望衡岳雲霄與之齊下有赤蛇蟄上有朱雀棲仰瞻祝融拔俯揖紫蓋迷五嶺皆培塿三江為涔蹄巍然南服尊蒿霍相提攜封秩崇君稱諸神咸朝隣丹書篆寶冊萬古封金泥百王重祀典赤繅藉玉圭自非精靈通牲帛勞焚費余方向遠道無由陟層梯蒼蒼烟霞中喔喔聞天雞緬想昌黎伯恭默開雲霓靈貺自昭格誠敬良可稽斯人久云沒感念

徒含悽

過魏夫人祠

南岳秘靈氣丹霞凌赤氛中有紺髮姝云是魏元君手  
把紫虛錄印佩朱靈文素質如輕霞飄飄上烟雲三華  
弭絳節微月來繽紛遶之千靈妃從以萬鶴羣大藥濟  
羸弱紫府奏殊勲何當受真典驂鸞入氤氲

衡陽逢丁泰

我素有詩疾逢人即談詩師友憐我勤遂以詩相期早

與高徐輩

乃高季迪徐幼文也

遠慕黃初時

魏年號

時時發警策早

為詩人知爾來慙潦倒拙語勞吾伊篇章非不多聊足  
克覆醢衡陽識丁泰握手誦我辭我疾已成癖君復求  
我醫譬彼病渴人却顧相如悲東風吹江花零落湘水  
湄情多未忍別因之贈將離

發衡州

一日白一髮十日皺一膚人生冰雪容終作鞞紋麤今  
朝清鏡中已與昨日殊不憂須眉蒼但恐皮肉枯肉枯

亦常理所念非壯圖有親恩最深撫養勞動劬憐我幼  
失怙愛我如掌珠斯恩未及報不敢忘須臾書來得出  
問哀頓空號呼衣衾與棺斂弗得親走趨家山在萬里  
那能返故都樹頭啞啞啼愧殺返哺烏有子初學言行  
步要毋扶已解索梨栗未知識之無重在託宗祀豈暇  
問賢愚弟妹皆漂零遠在天一隅仲氏久無信夢中時  
友于艱難斥鹵濱何以保微軀計工當已還母乃東歸  
吳童僕各分飛僅有赤脚奴矜孱苦肺疾終夜聲嗚嗚

憐渠亦解事剪伐供樵蘓異鄉骨肉遠賴此相支吾嗟  
我客梁楚隻身亦崎嶇白晝畏豺虎夜防狸與狐所賴  
筋力強竄伏幸無虞今年覺衰倦自怯行遠途東風洞  
庭波落日青草湖魚龍來欺人烟濤慘模糊茲晨過衡  
陽霽景差可娛桃花白練帶春水綠菰蒲感此顏色妍  
暫使憂心甦萬事信有命拊膺長嘆吁

湘女

湘水綠瀾瀾湘山碧我我空明影上下但覺禽鳥多我

方駐輕橈聽彼湘女歌  
湘女淡掃眉素頰垂兩螺  
幽蘭結短佩徐行拂青莎  
春風吹衣裙芳香動微波  
淑質自妍麗不待綺與羅  
真修慎所適窈窕山之阿  
盈盈青樓婦日暮將如何

湘江道中思常宗

暮江散微雨風定波自碧  
一鷺立不飛雙鴻遞相直  
餘烟菱女唱新月漁郎笛  
此處忽懷人相思杳何極

湘竹有題

朝行湘竹下暮宿湘竹中雲情與雨態萬變俄不同密  
密深翳日疎疎細含風新梢露裊裊老節烟濛濛紛如  
千靈妃從以萬青童幡幢列縹緲環珮搖丁東來從蔚  
藍天步入東華宮悵望不可即翩然若驚鴻夭矯喜  
而笑低徊俯乃恭質堅本外直性潔緣中空籊爾中弦  
矢採之可彫弓冰雪誓不易肯與時污隆今朝揭春晴更  
覺翠色濃戢戢琅玕叢忽見桃花紅直疑路不遠便與  
桃源通我欲捐輕舟褰衣入崆峒春禽迎我啼音響偕



絲桐終當聽山雨自號蒼筤翁

瀝澗灘

一灘復一灘十步九盤錯厓崩亂石礙轉使水勢惡  
豁訝鱷張牙岨岨蛟鬪角百躬牽莫前一駛即退却  
余舟何猛銳獨與萬險搏驚迎旋渦支纜入歌樹縛  
齊心忘親讐叶力濟勇弱方危信宜懼過此亦足  
樂寸嶠能摧車何必盡劔閣向使一不諧羣命未  
敢托超然望西巘衆綠生遠壑丹砂明赤箭中  
有不死藥服食信可憑願借

麻姑鶴

曉發祁陽別劉啓賢

羣山抱洪流盡日行曲折坡回出平曠始覺人意悅晨  
櫺辭陰嵐夕飲得皓月微茫縣郭小樹屋逶顯滅深柳  
積遠烟孤華燦餘雪入籬聞書聲徑就野老謁茫然喜  
客至細語共茗啜諸生誠朴野未解習禮節几壁如塗  
鴉指鼻墨盡涅皆是農家子釋耒甘受業勿謂此輩愚  
畎畝有俊傑出門復登舟暮雨正淒切前途問尚遠高

榕亂啼鳩臨流發新咏聊以散鬱結會合自有時何勞  
念離別

過道士泐

楚之沅湘細宴山形如道士俯伏之狀因以名山其  
東南麓有呂安撫墓在焉

茲山如青蛻俯飲江水曲邦人失偉觀目以道士泐中  
有百歲墳石室蔭藂木當時錮三泉鳬鴈秘金玉畋師  
辟虎豹武士禁采牧未為茲山榮竟為茲山辱至今湘

漢流到此屢回伏春風吹急雨石斷積蘚綠亦有斧斤聲  
丁丁響幽谷

過仙冢巖

蒼崖何巖巖衆石鑿紺黝仙人已羽化蛻骨尤未朽當  
空玉棺破歷歷見跟肘劍作朱蛇盤函使白虎守及聞  
上古氏殞殮初未有委棄無貴賤潁泚蠅蚋口陶瓦易  
衣薪宅兆貴深塋方春尚埋瘞掩此骼皆醜斯人獨不  
幸暴露歲月久何當絕攀緣掇拾歸培塿雖臨不測險

結構亦已就叶茲言信非迂臨風重回首

零陵感春

舟行苦淫雨雨晴身亦輕暢如辭喧卑振衣登高明羣  
芳沐春容瑩然眉目清萬綠陰蕤蕤孤禽語嚶嚶憶昨  
初戒途飛雪沾我纓桃李寂未華一二春草生漂泊復  
幾時花落已縱橫花落非足惜念此歲序更慷慨向秀  
笛從容桓伊箏曠達自不凡悲憤何當平嗟嗟高世士  
疊疊勤修名

瀟湘八景

靄靄復霏霏，橫霄曳夕暉。  
巴人與湘女，相逐買鹽歸。  
回望墟烟處，蒼茫隔翠微。

右山市晴嵐

其二

今朝罷漁早，掛網堤邊樹。  
雲斷一峯青，斜陽在坳處。  
痴兒晚睡醒，却訝東方曙。

右漁村夕照

其三

孤塔望中青，鐘聲隔洞庭。  
蒼山不可及，烟濶浪冥冥。  
憶

似寒山寺楓橋半夜聽

右烟寺晚鐘

其四

風攬湍花晚江寒波欲凝凍僵業漁者歸載一船冰一

白迷沙渚柴扉認有燈

右江天暮雪

其五

輕帆挂春風倒映湘江綠天低浦溆遠歸向誰家宿遙  
指落花西黃陵廟前屋

右遠浦歸帆

其六

金上八  
卷一  
江橫秋草白  
日落寒沙淺  
鴻鴈萬里來  
翩翩下平遠  
欲墮更低飛  
斜行兩三轉

右平沙落鴈

其七

風急雨浪浪  
孤舟夜正長  
江湖隨處惡  
何況是瀟湘  
今夜殘燈裏  
無人不斷腸

右瀟湘夜雨

其八

湘水秋更清  
湘月秋更白  
光輝一相蕩  
水月不辨色  
何處洞簫聲  
巴陵夜歸客

右洞庭秋月



登三夏故城 二首

寒樹無柔柯秋草有勁葉原空鷓鴣孤竊山晚雲萬疊登  
高得平曠人馬皆意愜思挽角胎弓相從雁門獵

其二

關前葉猶青關後草已白氣候本不殊山勢有阻隔風  
高鼓角動日落川塞黑邊鴻一聲來壯士亦變色

過長平有感

驛路石聲確驅車邁荒村川遠蒼烟涼黃沙浩無痕問

是古戰場長平名尚存有生四十萬共此入厚坤發軔  
暴虐秦六國漸併吞至今遺殺氣草木葉盡斃餘哀寄  
山嶽上有愁雲屯控馬為追弔白日慘欲昏西風叫邊  
鴈淒然傷旅魂

至太原

縣去城南五十里王維太原祁人也

唐俗本儉嗇古風猶在茲山長水流邁泉脉注東菑氓  
事耕牧外鄙樸無他為何當起右轄共詠雉麥詩

眉菴集卷一

欽定四庫全書

眉菴集卷二

明 楊基 撰

七言古體

遊穹窿山

昨日出遊今日還登臨未盡湖東山  
紫藤花落高樹下翠羽鳥啼深竹間  
泉停峻石淨可掬磴倚絕壁危難攀  
攀蘿試上最高頂天風兩腋超塵寰  
迴視羣峰摠在下

擬接浮丘同解顏

一本無末四句有人生跬步即天險不獨瞿塘與劍關二句為結

姑蘇臺

姑蘇臺下清江晚斜日江心照闌檻臺上西施醉捧心  
江邊東越愁嘗膽鴟夷裹屍去不還麋鹿散迹游其間  
功成却羨陶朱子一葉扁舟弄雲水

雪坡約余同入杭既而弗果臨別索詩賦此

十年不醉西湖酒夢寐春風萬株柳滿意從容覓舊遊  
短衣疋馬隨君後孤山梅花斷橋月此興既發中忽否

停驂索我題詩送握手躊躇為之久江堤霜白萬馬滑  
城角鑿落掛北斗前鋒已遠後已動弓箭束腰槩在手  
借問軍中誰最賢紫髯太守勲名舊范公兵甲陳平計  
方寸耿耿無不有當時結束事楚國日間十策晦其九  
萬里曾瞻上國光一麾復出三城守至今錢塘與湖秀  
父老傳誦弗離口去年逡巡點朝班予得忝為幙下友  
今茲祀釐尚祀事黼黻邊豆薦芹韭禮樂三千固未遑  
趙王鼓瑟秦王缶君侯入城如父母兒女掃街霜滿帚

莫向江邊聽蹋歌一夜相思成白首

著色西湖景和張光弼韻

時杭正被苗完虐甚

昔日西湖最佳麗  
稚綠新紅無著地  
日光爛漫注黃金  
恰似而今畫圖裡  
繞湖髻鬟翠萬堆  
行雲行雨相往來  
魚吹碧浪送歌舫  
手當玉槃行酒杯  
但知身在歡娛內  
肯計年光逐流水  
若尋昨夢問風流  
不及丹青一張紙

約范園看杏花

西園杏花如雪  
明年年看花春滿城  
烏紗小帽揀花舞

碧羅窄袖穿山行花今仍發當年道淨洗顰脂眉淡掃  
僻處休嗟車馬稀內家園裡猶芳草東風回首幾人存  
粉悴香憔不忍論錦瑟金錢誰赴約鳳笙龍管謾招魂  
月斜徐步花枝下欲折生紅淚盈把莫怪無人看此花  
當年已嘆遊人寡風雨陰晴每願違便須携酒趁春暉  
明朝青子花零落鶯老梅酸蛺蝶飛

草堂芙蓉孟冬始開遲莫可傷作詩慰之

東隣芙蓉花已歇西隣拒霜亦開徹草堂一樹初著花

錦藍瀟瀟間疎葉也知地僻竟開晚不見重陽好時節  
池寒夜靜看不休月白霜清照愈潔愧無樽酒澆遲暮  
且為花從盛時說憶昔開元太液池綠水朱闌颺紅雪  
鸞輿每煩天子顧玉鉗嘗詔才人折零落江湖事總非  
露草烟蕪共悽切哀颯如君也不多相看勿用長嗚咽

尚梅軒

江堤雪消春水漲吳人看花車百兩梨花輕盈杏花俗  
只有梅花清可尚剛風一吹色殊絕霽月暫照光欲蕩



一枝斜橫修竹外數朶迴臨流水上孤高百卉不敢先  
豈獨區區丈人行山人尚梅如尚賓兩屐莓苔曉相訪  
清樽慰花對花飲香雪紛紛落盆盎莫待東家玉笛吹  
花間容我青藜杖

王叔明長史畫

白雲英英山簇簇綠蘿陰垂樹如屋鳴琴彈罷坐碧蘚  
手搖羽扇坦其腹南風徐來生晚涼衣裳颯然荷染香  
世間萬事若流水呼吸湖光醉一觴

卷二  
棘竹三禽圖

棘刺搖搖風蔌蔌一禽驚啼兩禽宿空山日晚腹猶飢  
何處藩籬有遺粟杏花春雨小樓西撫卷彷徨不忍題  
愿作尋常雙燕子年年飛入未央樓

食燒笋留題陳惟寅竹間

春雷一聲萬簪玉參差亂迸莓苔綠斬來掃葉當逕燒  
何異燃箕煮秋菽登盤查牙玉版肥焦尾碎剥蒼龍皮  
山人大嚼無以報寫作林間燒笋詩

詠七姊妹花

紅羅鬪結同心小，七蕊參差弄春曉。  
盡是東風兒女魂，蛾眉一樣青螺掃。  
三姊娉婷四妹嬌，綠窻虛度可憐宵。  
八姨秦國休相妬，腸斷江東大小喬。

贈鑷工王生

湘娥剪筠編櫛齒，刀寒凝鶚鵠髓。  
鉛華拂拭秋霜飛，兩點春山愁不起。  
青銅自照顏色好，粉垢脂痕驚一掃。  
三十六宮妬少年，背指梨花笑春老。  
細骨輕軀珠翠蛾。

玉膚紅映鴛鴦羅明朝面皺白髮多王郎王郎奈若何  
畫為包師聖題

疎簾半捲絲絲雨菱葉荷花暗江渚水近松深徹夜涼  
不用開襟搖白羽隔岸人家住綠陰偶來聽我坐彈琴  
聊將白雪猗蘭意銷盡紅塵汗馬心

沈仲真自德清折苔梅一枝見惠

江南地暖雪不落臘月梅花滿岩壑今年正月冰雪多  
梅蕊青青尚含萼夢斷寒窗風雨中遙想西湖總蕭索

野人遠自山中來寄我橫斜春一握  
碧苔遶枝花半露  
翡翠明珠相間錯玉骨寒封紫繡衣  
冰梢翠剪青螺殼  
初疑老樹鱗甲動更覺霜禽羽毛薄  
生香入手未敢嗅  
一日春風到樓閣與君別來鬚髮蒼  
心跡未遠忤匪昨  
忽向江南見似人顏色皎皎殊不惡  
笑呼春酒白玉壺  
且復清吟對花酌苔溪雪消生杜若  
畫舫青帘恣行樂  
明日相思賦遠遊東家許借孤山鶴

趙元畫懸厓圖

懸崖無根谷無底樓閣參差半空起不信神工斧鑿成  
人間至險無如此我對畫圖猶拊膺何況崎嶇險處登  
槿樹籬邊堤似掌藕花池上月如燈

夜聞異香

玉河低斜衆星皎白露橫飛濕幽艸異香何處忽飄揚  
郁郁霏霏遍穹昊驀焉隨風驚旖旎稍久欲尋還縹緲  
褰衣四顧但澄碧正似萬株丹桂繞恍疑真仙鳳輦過  
芬馥爐熏散雲表復疑寒兔搗玄霜玉白丁東杵龍腦

道人六鑿久空寂臭味色聲俱一掃默然鼻觀相感通  
此豈天花故紛惱細縕自散還自滅聞侶不聞神不擾  
世間萬有等虛幻臭腐神奇心所造須臾斗轉金氣肅  
刺刺微寒欺破襖自展羅衾向壁眠一任秋風弄池篠  
贈道士呂紫岩  
岩松青青岩石紫紫岩仙人躡朱履一簪星斗月光寒  
手把芙蓉扣元始岩下琪花樹樹春岩前流水泛青蘋  
前身自是純陽子何用重尋回道人

巧石雙松圖

松蟠怪誕龍形矯石嵌玲瓏雪膚巧何事淋漓水墨圖  
高堂六月秋風早秋風吹雪山脚動瀑布飛來濕瑶草  
翠幹危撐日月低霜根倒挿雷霆繞山中黃葉已蓋地  
獨有烟蘿青裊裊夕露猶含碧海秋春霞已破丹山曉  
平生愛松并愛石何異江鳬得蒲藻醉裡徂徠若可登  
人間草木慙枯槁豫章將軍顏色好十年走馬淮陰道  
索我題詩寫壯懷詩成已覺松杉老



清溪漁隱

清溪秋水清如練，歷歷魚蝦皆可見。  
綠蓑酒醒鴈初飛，風急蘆花吹滿面。  
溪南一帶是青山，逢著垂楊便可灣。  
謾道白鷗閒似我，漁舟更比白鷗閒。

聞蟬

眉菴四十未聞道，偶于世事無所好。  
尋常惟看東家竹，屈指十年今不到。  
微軀之外無長物，寒暑一裘兼一帽。  
妻孥屢嘆升斗絕，不獨無烟亦無竈。  
身輕自笑可駕鶴。

眼明豈止堪窺豹人情世故看爛熟皎不如汚恭勝傲  
有瑕可指未為辱無善足稱方入妙此意於今覺更深  
靜倚南風聽蟬噪

畫馬

古人畫馬如畫竹貴在蕭蕭去凡俗骨欲權奇尾欲輕  
不用豐腴與多肉當時精妙稱曹霸人與驂騑意俱化  
信筆為之自有神忘却龍媒是圖畫此馬滿身花作團  
大宛三日到長安若教引見南薰殿應賜殷紅瑪瑙盤

贈故人全王孫

兄為柱國弟開府門吏紛紛皆繡斧敕賜龍河百畝宮  
畫戟彤弓映朱戶金鳳盤胸白錦襦面如紅玉紫虬鬚  
六宮曉逐諸王入八府春隨宰相趣東風忽念江南好  
寶騎看花踏春草茂苑鶯聲醉裏聽建章柳色愁中老  
回首瀛洲草木新蒼顏白髮照烏巾都將秋水蛇紋劍  
贈與長安游俠人

歎道傍野花

烟蕪淒淒秋色老夕陽穿樹照梨棗野花一簇道傍開  
細蕊繁英出深草我來采薪露已晞落莖滿地黃葉飛  
偶從荆杞得麗質肌膚玉潔生光輝花得人逢花亦喜  
靈妃粲然露玉齒小朵誰簪寶髻雲幽香不到銀瓶水  
臨風折花重歎息細數花名思未得人生歡樂在相知  
莫恨從前未相識

夜宿靜嘯軒

寒風瀟瀟枯葉響綠窻梅影隨燈上龍腦香熏雲母錢

鳳凰暖送仙人掌東家夜半雞唱獨西林月黑烏啼兩  
明朝相憶鳳凰臺臺邊春草青青長

巢雲為周孟基賦

白雲無心本無住聊結雲巢與雲寓十年種得雲滿山  
雲復留人人不去以雲作巢人未知雲為窻戶雲梁楣  
巢中除雲一無有几席枕簟皆雲為人言我巢雲一朶  
我非巢雲雲巢我是耶非耶何足云雲我我雲無不可  
雲臺諸將千鍾祿萬里青雲電經目人生富貴等浮雲

何似巢雲數椽屋

金陵對雪用蘓長公聚星堂禁體韻

黃雲凍凝不成葉十載江南無此雪朱簾十二曉開齊  
正值千山鳥飛絕牆腰簷角危欲墮竹頂松梢重將折  
偏來舞殿關輕盈忽上金釵易消滅誰家沉火吹笙坐  
着處銀瓶呵手掣脂凝香靨罷晨妝臉暈微渦散春纈  
帶雨欲拈仍作片因風誤觸俄成屑漁蓑向晚畫難工  
歌樓未曉光盈瞥怪事休驚越犬吠豐年每信吳儂說

欲和東坡白戰詩冰滿霜毫硯如鐵

聽老京妓宜時秀歌慢曲

春雲陰陰圍綉幄梨花風緊羅衣薄白頭官妓近前歌  
一曲纔終淚先落收淚從容說姓名十三歌學郭芳卿  
先皇最愛芳卿唱五鳳樓前樂太平鼎湖龍去紅妝委  
此曲宜歌到人耳潛向東風作慢腔梨園不信芳卿死  
從此京華獨擅場時人爭識杜韋娘芙蓉秋水黃金殿  
芍藥春屏白玉堂風塵回首江南老衰髻如絲顏色嬌

金瓶梅詞話卷二  
深嘆無人聽此詞縱能來聽知音少說罷重歌爾莫辭  
我非徒聽更能知樽前多少新翻調一度相思一皺眉

送劉子遠歸廬陵

宮槐陰陰鶯嚶嚶細雨楊花飛不得朝回把酒問東風  
不獨送春兼送客留春且為行人飲世間萬事邯鄲枕  
但得還家莫厭貧十載異鄉空衣錦

喜客來

壯年不愁長作客亦不暇愁鬚雪白但愁金盡酒樽空



辜負長安好春色閉門三日生綠苔失意忽聞佳客來  
急拈春衣典春酒正值滿樹梨花開花如冰雪人如玉  
妙舞清歌歡不足黃昏客醉酒未醒細雨鶯啼梅子綠

送張教諭

鑑湖五月涼風起荷葉荷花香旒旒先生到縣花正開  
濯足船頭弄秋水聖朝復興文武科諸生習射更絃歌  
他年大比登髦俊應報新昌縣裡多

雨中看花

青青楊柳深深竹雨裡絳桃開一簇羞將瘦蹇逐金鞍  
著屐看花仍不俗花枝淨洗胭脂面老眼驚如夢中見  
已拚春色過三分何止東風吹一片只恐天晴是暮春  
半隨流水半成塵淡烟芳草長干路作意能來有幾人

春日白門送范謙還四明

白門花開春酒香參差柳條如酒黃柳邊沽酒勸君飲  
別意適與江流長江花近接瀛洲草宮樹鶯啼燕歸早  
白馬銀鞍游俠兒雞鳴爭入金陵道金陵自昔稱佳麗虎

踞龍蟠天子氣綠帽將軍衛霍功黑頭卿相金張貴紫  
陌遙遙十丈塵鳳笙牙板奏青春相逢金水河邊客半  
是公車待詔人君今掉頭歸故國欲傍雲松看山色親  
老宜承菽水歡時清不用芻蕘策到家春深花未稀竹  
筍嫩白江魚肥登堂奉親與親喜蜂蝶故遶斑斕衣多  
才如君世稀有珠韜玉韞那能久明日徵書到四明期  
君更酌金陵酒

送李琴川謫臨海

南風雨來塵作泥稻花豆莢生初齊一人失意解官去  
席上衆賓顏色低輜車欲發未忍別感慨握手立大堤  
綠荷為盃樹為蓋碧酒蕩漾青琉璃茲行觸熱向甌越  
咫尺浙水分東西或登龍門探禹穴或上鴈宕聞天雞  
天台桃花千萬樹中有睨睨黃鶯啼雖云竄謫異憂喜  
眺望自可窮天梯韓潮柳播夜郎白吉士往往遭傾擠  
蕉中之鹿塞翁馬此事何足含悲淒但嗟靈物困汚瀆  
無一出手相提携不然寵辱實命致毋乃天不哀羣黎

渡江秋風未十日織女須嫁牽牛妻自甘沉匿守太拙  
寧復乞巧陳瓜果嗟余遘患屢遷逐親見鄙塢爭燃臍  
金多位重胡足恃頃刻變化如雲霓君年五十髮漆黑  
壯氣鬱鬱衝端倪驕驕倨塊偶蹙蹙終展奮迅追風蹄  
經過虎阜坐石壁為我拂拭苔中題

宜秋軒桂

軒東古桂一株花已爛漫人無知者偶夜聞香自東來  
旦起訪之得于荒庭廢苑中余既嘆其不為人所賞

識而復嘉其不以無人而不香也繞樹嗟悼慰之以詩  
宜秋軒東一株桂香葉婆娑擁寒翠秋堂夜靜風滿簾  
時覺幽芳來拂鼻清晨曳履訪幽獨一徑青苔雙戶閉  
離離嫩蕊冒虫絲蔌蔌輕花落深砌麝金泣露濃更密  
苞粟凝珠疎復細半粒能含萬斛香一枝解奪千姝麗  
當年此地競攀折月戶雲窻敞秋霽金樽灑泛綠色酒  
翠袖涼簪寶粧髻西風幾度人跡絕獨有幽花能點綴  
村荒地僻霜露繁摧折紅蘭凋紫蕙瞥然一見衆憂失

不意孤懷得佳麗  
遠之百匝未忍去  
筆以長歌悲莫繼  
更深月出擬再來  
明日紛紛嗟滿簞

宜秋軒梅

萬松嶺上梅千樹  
踏雪年年看花去  
湖邊十里翠裙腰  
盡是看花醉眠處  
花今憔悴不如前人亦飄零  
二十年夢魂不到西湖上  
春色自繞南枝邊  
今年看花來杜曲  
一樹寒香照茆屋  
別是人間冰雪魂  
肌膚綽約清如玉  
雪更玲瓏玉更溫  
春風入頰淡無痕  
數聲殘角黃昏後

獨自相看半掩門

贈別徐季子

徐君昔為吳學官玉壘劍具魚皮鞍千金每贈壯士別  
一語耻作儒生酸庭前手種萬修竹窻戶颯沓烟霏寒  
南風醉眠雪覆簾西月對奕星羅盤維時海內富文學  
爭飾黼藻窮研鑽諸生面試鸚鵡賦座客頭帶鵝鶩冠  
我方年壯髮漆黑朋視班馬慚蘓韓飛鳴欲廁九苞鳳  
絢爛未讓五色鸞君來勸我意無銳少抑汝氣粲可觀



驂驪受駕就矩步健鶻欽束搏風翰吳門一別二十載  
鬼物變怪驚百端相逢白下恍夢寐方巾闊帶麻衣寬  
道傍再拜問所歷細語款接平生歡君言誓欲拜我母  
為恐此別重來難母今九十兩足痺風雨半榻茆茨安  
今朝山中得東筍嫩者香軟供晨飧百年自足三釜養  
晚景忽此船行灘君才所施無不可經史滿腹皆琅玕  
酒酣文史孰比擬強弩激矢江奔湍明朝到京學小隱  
惟有遠屋山巔岼櫻桃爛熟梅子大荷葉出水青團團

行當散髮坐白石何用秉筆趨金鑾

送吳居易

黃梅雨晴葉重綠南風棟花開  
蔌蔌故人謁我此山隈  
帶束烏犀帽輕轂入門相顧如  
夢寐名姓雖忘面仍熟  
久之稍稍憶舊游尚恐非真問  
童僕遂昌先生

鄭元祐  
也吳中

老儒

客滿座君時雄辨衆賓服先生博學且敬君况我才

疎敢相逐蘓臺一別已十載世事飄如電經目羨君遊  
俠印屢懸嗟我策傾卵俱覆去年謫官向河洛手脚酸

顰雙鬢禿歸來親友半死生不意逢君此江曲摩挲老  
眼為君喜更覺君顏美如玉龍江花落乳燕飛芙蓉葉  
大筍過竹殺雞沽酒招我飲爛醉頽然坦其腹深情密  
意語未終舟楫匆匆去何速臨流索我題詩送詩句難  
工羞再讀廬山東來五老峰大孤小孤青亂矗著我茅  
茨一二間悠然醉把東籬菊

題宋周曾秋塘圖

右宋周曾秋塘圖一卷前元皇姊大長公主所藏也

前有皇姊圖書印記後有集賢學士諸詞臣奉皇姊  
教旨所題自大學士趙世延王約而下凡十六人時  
鄧文原袁伯長俱為直學士李洄以翰林待制居京  
師為監修國史實至治三年也元運方隆皇姊雅尚  
文學一時名公鉅儒以文章翰墨寵遇當世其盛蓋  
可想見元既革命此卷遂出江左吾友薛起宗得於  
其私沈祥氏一日携以見示且徵題詩余雖不獲援  
筆其間而一十六人者猶及親炙一二袁鄧二老又

皆先子之友不可作矣把玩再四敬題於後

陂塘九月菰蒲老菱葉無多荷葉少無數飛來白鷺明  
一羣遊去青鳬小寒雲弄影忽成霞雁帶斜行下淺沙  
晚色不隨流水去秋光都在拒霜花當時內殿春風細  
紫衣傳教詞臣醉鮑謝文章沈宋才詩成曲盡秋塘意  
塘水秋來景漸疎低烟斜日照平蕪鷺鴦去盡芙蓉死  
空向人間看畫圖

北山梨花

余卜居金川

是金陵城西北門也

去北山無十里每清明時梨

花盛開輒動洗妝之想隣友薛起宗邀余看者再俱以猥俗所繫不能如約昨又期出郭風雨泥濘弗良於行起宗為折一枝相贈喜而賦此辛亥暮春五日

北山梨花千樹栽年年清明花正開薛君好事兩邀我騎馬看花携酒來看花出郭我所愛况是梨花最多態我牽塵俗不得赴花本無情花亦怪君今折花馬上歸索我細詠梨花詩冰肌玉骨未受飾敢以粉墨圖西施東

坡先生心似鐵惆悵東闌一枝雪重門晚掩沉沉雨疎  
簾夜捲溶溶月月宜淺淡雨宜濃淡非浪白濃非紅閨  
房秀麗林下趣富貴標格神仙風一枝寂莫開逾徧朶  
朶玲瓏看應眩皓腕輕籠素練衣蛾眉淡掃春風面自  
須玉堂承露華何事種向山人家不愁占斷天下白正  
恐壓盡人間花江梅正好憐清楚桃杏紛紛何足數只  
有銀燈照海棠海棠亦是嬌兒女

句容送蔡惟中

昨日立秋今日涼  
蔡子束書歸故鄉  
我來未久子遽別  
子豈與我如參商  
自慚貧無橐  
金贈解劍換酒澆愁腸  
醉酣月出重露滴  
梧飄金井芙蓉香  
衆賓誼譁噓笑口  
我獨不言情悵徨  
豈徒戚戚兒女態  
感舊懷古增悲傷  
憶昔追遊茂苑上  
白馬紫轡青絲韁  
子方年少富文學  
面如紅玉肥有光  
黃金曉酬西館客  
綠錦夜贈東樓娼  
三公走檄辟作掾  
兩府交薦除為郎  
風塵一別未十載  
短鬢蕭颯俱老蒼  
黑巾籠頭著野服  
微雨鵠立官道傍



自云匍匐事販鬻蓋屐巾簋紙筆將匪爭刀錐競微利  
聊復餬口走四方我聞此語重歎息助以唧唧鳴寒螿  
丈夫失意固如此屠狗買畚庸何妨曲江之西沙柳黃  
夜逐落潮登野航相逢故友或相問句句曲岡頭一草堂  
贈許白雲

白雲老翁樂且貧眼如紫電炯有神麻衣紙扇跣兩屐  
頭帶一幅東坡巾清晨扣戶走過我謂我舊是諸侯賓  
入門長揖肆雄辯動引四代卑先秦初疑傲睨意骯髒

稍久漸覺情真淳從茲興至每一到不問風雨并昏晨  
矯如野鹿不受繫去不可挽送乃嗔我來杜曲少朋舊  
一境二姓唯朱陳租徵稅迫夜繼日未暇與我談逡巡  
荒村不意得此老洗我三斗胸中塵我時信口答所問  
怪我出語多驚人翁年耳順學不倦片言有益書諸紳  
我慚習懶竟成癖日影照腹脚未伸起來巾櫛不自理  
一飯且飽南湖尊諸生幼弱學久廢數字費我言諄諄  
翁來相對輒太息謂可館閣胡沉淪人生富貴等泡幻

達何可喜窮何顰紛紛道路餓死骨半是臺省公侯身  
龐公未為無所遺夫婦白首襄陽民翁聞我語乃大噉  
呼我共醉華陽春正須狎暱到鷗鷺何必影像圖麒麟  
秦淮雨過秋水碧中有一尺黃金鱗明朝買魚期再酌  
我自掇拾山中薪

喜雨為黃明府作

今年太歲集在酉謂可三錢糴米斗入夏兩月無雲霓  
焦捲黃枯滿田畝句容縣尹黃叔度晝夜感額疾其首

脫巾跣足禱諸廟龍井神祠一一扣精誠信可貫金石  
頃刻雷公訶電母一雨五日三尺深高隴低田無不有  
芄芄茂葉雲穠稬救救輕花雪紛採邦民歡喜夜無寐  
起賀買盡村中酒清晨扶策謝縣官微君吾儂將散走  
尹言此豈我輩力自是天公憐爾叟嗟余貧無牛十角  
終歲筆耒事糊口硯田得雨墨濡足庶免饑寒累朋友  
今朝野老邀我飲草草杯盤薦梨藕醉後狂歌喜雨時  
詩成謾續諸公後

杜伯淵送新米

山人送我

闕

米粒粒如霜新可喜雨春風簸落紅芒

照眼明珠絕糠粃饑腸欲食未敢炊未及秋嘗羞祖禰  
憶我初來歲方旱焦穗萎苗將槁矣不意茲晨見精鑿  
此寶更將何物比終歲勤勞農可念不耕而食余堪耻  
歸買淞江雪色鱸持向高堂奉甘旨

月灣秋影

句容有水號明月灣每中秋月圓而水中見影方半

相傳葛仙翁幻術為此分題送友

千江明月秋無際獨有灣頭明月異灣頭十五月方弦  
半壁嬋娟半猶未月明在天光在水水月天月本無二  
豈緣醉眼自圓缺看碧成朱醜成麗不然水府食妖蟄  
毋乃神仙為狡獪姮娥亦學半面妝太滿恐為人所忌  
圓非真圓缺非缺造化掀騰等兒戲我來送客秋正中  
香影婆娑落霜桂邀我同吟月影詩自愧詩脾少清氣

眉菴集卷二